

Afɛ mgbi iPol mbi iFyilimɔn

¹ Ani iPol inggise obawi mgbi iKrestu iYesu, bɛyi iTimoti ongwuneyi,

Dɛsɔ angba mbi iFyilimɔn okeyi osuse yi ibuge idɔ mgbi eyi,

² yi Afyia ongwuneyi ongwu ongyaa, yi Acipɔ inggise oblakwutɛ ibuge mgbi eyi mi ifu iKrestu, bɛyi emi odzimgbasho ama nli kwakye mi ude abu duu gbɛɛ:

³ Elela bɛyi iyu nkyɛ mbi Imgbasho Otseyi bɛyi Otɛ iYesu iKrestu na no dɛɛ yi ema.

Ibɔ yi angba otaata

⁴ N li ta Imgbasho mgben angba alonɔ duu dafi ani li wɛ ema mi ibɔ mgbi ani mani,

⁵ ikyekye n fwo odɛ oyɛɛ onuunu mgbi ema mbi Otɛ iYesu bɛyi okpitukwu ngwi ema le tso mbi emi osaan duu.

⁶ Dafi ema le kyɔ oyɛɛ onuunu mgbi ema yi angbeka nɛ, n bibɔ gbɛɛ nu ma wa ye ali mse ngwi iKrestu kye nu eyi nɛni.

⁷ Okpitukwu mgbi ema nu ani atsa kpakpa bɛyi itukwu ofyumfye-fyumfye, ikyekye ema ama onoyɛɛ nu itukwu mgbi emi osaan bɛɛ.

IPol tɛkyɛ mi ikyɛ Onesimo

⁸ Nghanɛ, mi ifu iKrestu n dɛɛ yi abɔ otsigɛɛ di wo ema ola ni ema kyungwɔ nwogyɔ ema ki kyɔ mani,

⁹ nghaduu mi ikye okpitukwu yɔ tatase nin tɛkyɛ nu ema. Ngwi Ani iPol ishongye ndi li inggise obawi mgbi iKrestu onenɛ nɛni.

¹⁰ N le tɛkyɛ nu abu ikye ongwani Onesimo, ngwu n yɛɛ ongwani onɔ ngwi Ani wodzɛ obawi nani.

¹¹ Nose ma o dzɛ yi abu abɔ oyaaya ba, kpaa onenɛ o dzɛ yi abu bɛyi ani duu abɔ oyaaya.

¹² Ani yilen le dɛsɔ nu abu, o li ongwɛ itukwu mgbi ani.

¹³ N kika dzanta dzɛkɛ yi ani ikye no gbikye abu le ya ani abɔ dafi ani wodzɛ itse ikye Esɔ Osuse nɛni.

¹⁴ Nghaduu i mina ani okyɔ unkonyi mi iyikpa abu ba, adzi ni ali oyabɔ abu ya ani duu no li mi itukwu mgbi abu no ka li mi osiisi ba.

¹⁵ Kaba itɔdzɛ ngwi o gha yi abu mi ongwonɔ gwee ma li ikyegbɛɛ no yɛ wa dzɛ yi abu gyegwu.

¹⁶ No ka dzɛ yi abu dafi ofyɛɛ wuba, kpaa no tatase ngha ofyɛɛ, di dzɛ dafi ongwunabu itukwu-itukwu mani. O dzɛ yi ani abɔ oyaaya kpaa o nghao dzɛ yi abu abɔ oyaaya, mi odzɛɛdzɛ mgbi mmbwɛ yi eyi bɛyi mbi Otse iYesu kpaa.

¹⁷ Kini abu kye gbɛɛ eyi le kyidɔ ungwonyi yɔ, gban dafi abu kika gbɛɛ ani mani.

¹⁸ Ki non kyo abu ungwɔ oka obube hona dzɛ yi abu mkpa ungwɔ yɔ, yilen dɔ ani ikye.

¹⁹ Ani, iPol, n le lɔ ungwɔnɛ abɛn. N ka yilen kpa abu, kpaa n ka gbɔ ba ikyesinɛ abu dzɛ yi ani mkpa oshishe mgbi abu yɛyɛ.

²⁰ Nghanɛ ongwunɛn, i dzɛ ani gbɛɛ n ki tu oyabɔ angbeka mbi abu mi ifu Otse; yile ani itukwu bɛsɛ mi iKrestu.

²¹ Ngwi ani dze yi abo otsigegɛ mbi abu nɛ, n le lo abu afɛ, n di ye gbɛɛ abu ka kyo nghaabɔ ngwi ani gbɔ mani.

²² Ungwɔ oka nsisi yɔ: Melu ozu ingyoga dzenkɛ, ikyekye ani ye Imgbasho ka fwo ema ibɔ dika nu ani ye kɛ mbi ema.

Angba ongwi olɛɛ

²³ Epafra, inggisɛ nwodze obawi iKrestu iYesu yi ani, dɛsɔ angba mbi ema.

²⁴ Ama okyidɔ yi ani, iMaki yi Aristako yi iDema beyi iLuku kpaa dɛsɔ angba.

²⁵ Ni elela mgbi Otse iYesu iKrestu dze yi onodzi mgbi ema duu. No dze ngha.

Etulo NT

Portions of the Holy Bible in the Etulo language of Nigeria

copyright © 2024 Initiative for the Translation and Development of African Languages

Language: (Etulo)

Contributor: The Seed Company

This translation is made available to you under the terms of the Creative Commons Attribution Share-Alike license 4.0.

You have permission to share and redistribute this Bible translation in any format and to make reasonable revisions and adaptations of this translation, provided that:

You include the above copyright and source information.

If you make any changes to the text, you must indicate that you did so in a way that makes it clear that the original licensor is not necessarily endorsing your changes.

If you redistribute this text, you must distribute your contributions under the same license as the original.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

Note that in addition to the rules above, revising and adapting God's Word involves a great responsibility to be true to God's Word. See Revelation 22:18-19.

2025-07-09

PDF generated using Haiola and XeLaTeX on 26 Jul 2025 from source files dated 9 Jul 2025

156b6685-3a62-5375-95ed-97245882cc90